



巢氏

病源候論

卅一之五

痔病

癰疽

上十六論

癰疽

下二十九論

癰疽

三十五論

癰疽

癰疽

十五論

丹毒


十三論

腫病

十七論

疔瘡

武 196 7



門武9
136
卷7



卷之三十一

○癭瘰等病諸候

凡十五論

癭候

瘰候

腦濕候

黑志候

赤疵候

白癩候

癩痛候

疔目候

鼠乳候

多忘候

嗜眠候

鼾眠候

體臭候

狐臭候

漏掖候

丙原卷三十一

目錄一

丹毒病諸候

凡十三論

丹候

白丹候

黑丹候

赤丹候

丹軫候

室火丹候

天竈火丹候

癩竈火丹候

尿竈火丹候

燂火丹候

瘡火丹候

螢火丹候

石火丹候

○腫病諸候

凡十七論

諸腫候

風腫候

卒風腫候

風毒腫候

毒腫候

毒腫入腹候

惡核腫候

腫核候

氣腫候

氣痛候

惡脉候

惡肉候

腫有膿使潰候

腫潰後候

遊腫候

日遊腫候

流腫候

○丁瘡病諸候

凡十三論

丁瘡候

雄丁瘡候

病源卷三十一

目錄



雌丁瘡候

紫色尺赤丁瘡候

牛丁瘡候

魚胎丁瘡候

赤根丁瘡候

犯丁瘡候

丁瘡腫候

犯丁瘡腫候

丁腫候

丁瘡久不瘳候

犯丁腫候

重刊巢氏諸病源候總論卷之三十一

癭瘤等病諸候

凡一十五論

癭候 癭者由憂恚氣結所生亦曰飲沙冰沙隨氣入於
脉博頸下而成之初作與癭核相似而當頸下也皮寬
不急垂撻撻然也恚氣結成癭者但垂核撻撻無脉
也飲沙水成癭者有核癭癭無根浮動在皮中又云有
三種癭有血癭可破之有息肉癭可割之有氣癭可具
針之

養生方云諸山水黑土中出泉流者不可久居常食令
入作癭病動氣增患

癭候 癭者皮肉中忽腫起初梅李大漸長大不痛不痒
又不結強言留結不散謂之為癭不治乃至樞大則不

復消不能殺人亦慎不可輒破

腦濕候 腦濕謂頭上忽生肉如角謂之腦濕言腦濕氣濕蒸衝擊所生也

黑痣候 黑痣者風邪搏於血氣變化生也夫人血氣充盛則皮膚潤悅不生疵癢若虛損則黑痣變生然黑痣者是風邪變其血氣所生也若生而有之者非藥可治面及體生黑點為黑痣亦云黑子

赤疵候 面及身體皮肉變赤與肉色不同或如手大或如錢大亦不痒痛謂之赤疵亦是風邪搏於皮膚血氣不和所生也

白癩候 白癩者面及頸項身體皮肉色變白與肉色不同亦不痒痛謂之白癩此亦是風邪搏於皮膚血氣不和

和所生也

癰瘍候 癰瘍者人頸邊有曾前掖下自然班剝點相連色微白而圓亦有烏色者亦無痛痒謂之癰瘍風此亦是風邪搏於皮膚血氣不和所生也

疣自候 疣自者人手足邊忽生如豆或如結筋或五箇或十箇相連肌裏粗強於肉謂之疣自此亦是風邪搏於肌肉而變生也

鼠乳候 鼠乳者身面忽生肉如鼠乳之狀謂之鼠乳也此亦是風邪搏於肌肉而變生也

多忘候 多忘者心虛也心上血脉而藏於神若風邪乘於血氣使陰陽不和時相并隔乍虛乍實血氣相亂致心神虛損而多忘

養生方云丈夫頭勿北首卧神寬不安多愁忘

嗜眠候嗜眠者由人有腸胃大皮膚澀者則令分肉不

開解其氣行則於陰而遲留其陽氣不精神明爽昏塞

故令嗜眠其湯熨針石別有正方補養宣導今附於後

養生方導引法云蹠踞交兩手內並脚中入且兩手急

引之愈又寐精氣不明交脚蹠踞凡故言蹠踞以兩手

從內屈脚中入左手從右踞踞上入左心隨孔下右手

從左足踞上入右足隨孔下出抱兩脚急把兩手極引

二通愈久寐精神不明久行則不睡長精明

又云一手拓頰向上極勢一手向後長舒急努四方顯

手掌一時俱極勢四七左右換手皆然拓頰手兩向共

頭欹側轉身二七去臂膊風眠睡尋用末吉日庚

肝眠候

肝眠者眠裏喉咽間有聲也人喉嚨氣也

氣血若調雖寤寐不妨宜暢氣有不和則衝擊喉咽而

作聲也其有肥人眠作聲者但肥人氣血沈厚迫隘喉

間澀而不利亦作聲

體臭候

人有體氣不和使精液雜穢故令身體臭也其

湯熨針石別有正方補養宣導今附於後

養生方云以手掩口鼻臨目微氣久許時手中生液速

以手摩面自常行之使人體香

狐臭候

人腋下臭如葱豉之氣者亦言如狐狸之氣者

故謂之狐臭此皆血氣不和蘊積故氣臭

漏腋候

腋下常濕仍臭生瘡謂之漏腋此亦是氣血不

和為風邪所搏津液蘊瘀故令濕臭

丹毒病諸候

凡一十三論

丹候 丹者人身體忽然燥赤如丹塗之狀故謂之丹或發手足或發腹上如手掌大皆風熱惡毒所為重者亦有疽之類不急治則痛不可堪久乃壞爛去膿血數升若發於節間便斷人四支毒入腸則殺人小兒得之最忌

白丹候 白丹者初發痒痛微虛腫如吹軫之起不痛不赤而白色由挾風冷故使色白也

黑丹候 黑丹者初發亦痒痛或燥腫起微黑色由挾風冷故色黑也

赤丹候 赤丹者初發軫起大者如連錢小者如麻豆肉上粟如雞冠肌理由風毒之重故使赤也亦名菜黃丹丹軫候 丹軫者肉色不變又不熱但起隱軫相連微

痒故謂為丹軫也

室火丹候 室火丹初發時必在腓腸如指大長三二寸瘰疬赤而熱是也

天竈火丹候 天竈火丹發時必在於兩股裏漸引至陰頭而赤腫是也

廢竈火丹候 廢竈火丹發時必於足趺上而皮色赤者是也

尿竈火丹候 尿竈火丹發於肩腋及臍連陰頭皆赤是也

燦火丹候 燦火丹者發於背亦在於臂皮色赤是也

癩火丹候 癩火者發於髀而散走無常處著皮赤是也

螢火丹候 螢火丹者發於臍至脅皮赤是也

石火丹候 石火丹者發通身似顯目突如粟是也皮色

腫病諸候

凡一十七論

諸腫候 腫之生也皆由風邪寒熱毒氣客於經絡使血
澀不流壅結皆成腫也其風邪不作者腫無頭無根浮
在皮上如吹之狀也不赤不痛或腫或散不常腫其寒
氣與血相搏作者有頭有根色赤腫痛其熱毒作者亦
無正頭但急腫久不消熱氣結盛壅則為膿其疾非一
故謂之諸腫

風腫候 凡人忽發腫或著四支或在背脊或著頭項水
牢如餅大虛腫回回如吹之狀不痛不赤著四支者乃
欲不遂令人煩滿短氣身體常冷皆由冬月遇溫風入
人肌裏至春復適大寒風不得出氣壅肌間不自覺矣

夏取風涼濕氣聚不散而成腫久不瘥氣結盛生熱乃
化為膿血並皆爛敗則殺人右手關上脉浮而虛者病腫
卒風腫候 人卒有腫不痛不赤移無常處而兼痒由先
無患偶腠理虛而逢風所作也

風毒腫候 風毒腫者其先赤痛臄熱腫上生瘰癧如火
灼是也

毒腫候 毒腫之候與風腫不殊時令人壯熱其邪毒甚
者入腹殺人

毒腫入腹候 此候與前毒腫不殊但言腫熱漸盛入腹
故也毒入腹之候先令人勑畜惡寒心煩悶而嘔逆氣
急而腹滿如此者殺人

惡核腫候 惡核者肉裏忽有核累累如梅李小如豆粒

皮肉燥痛左右走身中卒然而起此風邪挾毒所成其亦似射工毒初得無常處多惻々痛不即治毒入腹煩悶惡寒即殺人久不瘥則變作瘻

腫核候 凡腫挾風冷則不消而結成核也

氣腫候 氣腫者其狀如癰無頭虛腫色不變皮上急痛手纒著便即痛此風邪搏於氣所生也

氣痛候 人身忽然有一處痛如打不可堪耐亦乍走身間發作有時痛發則小熱痛靜便如冰霜所加故云氣痛亦由體虛受風邪所侵遇寒氣而抵之邪氣不出故

惡脉候 惡脉者身裏忽有赤絡脉起龍旋聚如死蚯蚓狀看如似有水在脉中長短皆逐其絡脉所生是由春冬受惡風入絡脉中其血瘀結所生久不瘥緣脉結

而成瘻

惡肉候 惡肉者身裏忽有肉如小豆突出細々長乃如牛馬乳亦如雞冠之狀不痒不痛久不治長不已由春冬被惡風所傷風入肌肉結瘀血積而生也

腫有膿使潰候 腫壯熱結盛則血化為膿若不早出膿膿食筋爛骨則不可治也

膿潰後候 凡癰腫既潰訖膿汁須及時而盡若汁不盡還復結腫如初腫之候無異即稍難治

遊腫候 遊腫之候青黃赤白无復定色遊走皮膚之間肉上微光是也

日遊腫候 日遊腫其候與前遊腫相似但手近之微痛如復小痒為異世言犯觸日遊神之所作

流腫候 流腫凡有兩候有熱有冷冷腫者其痛隱々然沈深著臂膊在背上則腫起憑々然而急痛若手按及針灸之即腫起是也熱腫者四支熱如火灸之狀移無常處或如手或如盤著背腹是劇則背熱如火徧身爛熳然五心煩熱唇口乾燥如注之狀此背風邪搏血氣所生以其移無常處故謂流腫

丁瘡病諸候

凡一十三論

丁瘡候 丁瘡者風邪毒氣於肌肉所生也凡有十種一者瘡頭烏而強凹二者瘡頭白而腫實三者瘡頭如豆塗色四者瘡似葩紅色五者瘡頭內有黑脉六者瘡頭赤紅而浮虛七者瘡頭葩而黃八者瘡頭如金薄九者瘡頭如茱萸十者瘡頭如石榴子亦有初如風軫氣搔

破青黃汁出裏有赤黑脉而小腫亦有全不令人知忽以衣物觸及摸著則痛若故取便不知處亦有肉突起如魚眼之狀赤黑慘痛徹骨久結皆變至爛成瘡瘡下深孔如大針穿之狀初作時突起如丁蓋故謂之丁瘡令人惡寒四支強痛兼切々然牽疼一二日瘡便變焦黑色腫大光起根鞣強全不得近酸痛皆其候也在手足頭面骨節間者最急其餘處則可也毒入腹則煩悶恍惚不佳或如醉患此者三二日便死

養生方云人汗入諸食內食之作丁瘡

雄丁瘡候 雄丁瘡者大如錢孔烏廡似灸瘡四畔泡漿色赤又有赤粟乃言瘡而不腫刺之不痛而兼熱者名為雄丁瘡

雌丁瘡候 雌丁瘡者頭小黃向裏廔亦似灸瘡四畔泡漿外赤大如錢孔而多汗腫而不痛瘡內有十字畫而兼冷者謂之雌丁瘡

紫色火赤丁瘡候 此瘡色紫赤如火之色即謂紫色火赤丁瘡也

牛丁瘡候 牛丁瘡皮色不異但腫而頭黑挑之黃水出四邊赤似茱萸房者名為牛丁瘡

魚臍丁瘡候 此瘡頭黑深破之黃水出四畔浮漿起披長似魚臍故謂之魚臍丁瘡

赤根丁瘡候 瘡形狀如赤豆或生披下如鴨子大者世人不知識但見其赤即謂之赤根丁瘡

犯丁瘡候 犯丁瘡謂丁瘡欲瘥更犯觸之若大噴反食

猪魚麻子并狐臭人氣熏之皆能觸犯之則更極乃甚於初更令熱焮腫先寒後熱四支沈重頭痛心驚嘔逆煩悶則不可治

丁瘡腫候 丁瘡腫謂此瘡熱氣乘之與寒毒相搏而成腫

犯丁瘡腫候 犯丁瘡腫謂瘡腫欲瘥更犯觸之瘡勢轉刺乃甚於初或腫熱疼掣手或心悶恍惚或四肢沈重或嘔逆煩心此皆犯瘡之候多能殺人

丁腫候 此由是丁瘡而帶焮腫而無根者也

丁瘡久不瘥候 瘡久不瘥謂此丁瘡膿汁不止亦平陷不滿皆由過冷所作也

犯丁腫候 犯丁腫謂病丁腫而或飲食或居處觸犯之必腫增極也

重刊巢氏諸病源候總論卷之三十一終

[Faint bleed-through text from the reverse side of the page]

卷之三十二

○癰疽病諸候上

凡十六論

癰候

癰有膿候

癰潰後候

石癰候

附骨癰腫候

癰虛熱候

癰煩渴候

發癰欬嗽候

癰下利候

發癰大小便不通候

發癰內虛心驚候

癰腫久愈汗不絕候

癰瘡後重發候

久癰候

疽候

疽潰後候

卷之三十三

重刊巢氏諸病源候總論卷之三十三

癰疽病諸候 上 凡一十六論

○癰候 癰者由六腑不和而生也六腑主表氣行經絡而
 浮若喜怒不測飲食不節陰陽不調則六腑不和榮衛
 虛者腠理則開寒客於經絡之間經絡為寒所折則榮
 衛統留於脉榮者血也衛者氣也榮血得寒則澀而不
 行衛氣從之與寒相搏亦壅遏不通氣者陽也陽氣蘊
 積則生於熱寒熱不散故聚積成癰疔氣浮行主表故
 癰浮淺皮薄以澤久則熱勝於寒熱氣蘊積傷肉而敗
 肌故血肉腐壞化而為膿其患在表浮淺則骨髓不焦
 枯腑臟不傷敗故可治而愈也又少苦消渴年四十已
 外多發癰疽所以然者體虛熱而榮衛不澀故也有萬

病源卷三十三

痰而渴者年盛必作黃疸此由脾胃虛熱故也年衰亦發癰疽腑臟虛熱血氣否澀故也又腫一寸至二寸癰也二寸至五寸癰也五寸至一尺癰疽也一尺至三尺者名曰竟體癰癰成九竅皆出諸氣憤鬱不遂志欲者血氣畜積多發此疾診其寸口脈外結者癰腫腎脈瀉甚為大癰脈滑而數滑即為實數即為熱滑即為柔數即為衛榮衛相逢則結為癰熱之所過即為膿也脈弱而數者此為戰寒必發癰腫脈浮而數身體無熱其形默之者胃中微燥不知痛所在此主當發癰腫脈來細而沈時直者身有癰腫若腹中有伏梁脈肺肝俱到即發癰疽四支沈重肺脈多即死凡癰疽脈洪麓難治脈微澀者易愈諸浮數之脈應當發熱而反洗泚惡寒若

痛處當有癰也此或附骨有膿也脈弦洪相薄外內為熱故欲發癰疽凡發癰腫高者疹源淺腫下者疹源深大熱者易治小熱者難治初便大痛傷肌晚乃大痛傷骨諸癰發於節者不可治也發於陽者百白死發於陰者四十日死也尻太陽脈有腫癰在足心少陽脈八日死發膿血八十日死頭陽明脈有腫癰在尻六日死發膿血六十日死股太陽有腫癰在足太陽七十日死發膿血百日死轉太陽太陰脈有腫癰在脛八日死發膿血四百日死足少陽脈有腫癰在脇八日死發膿血六百日死手陽明脈有腫癰在掖淵一歲死發膿血二歲死發腫牢如石走皮中無根癰癰也久久不消因得他熱乘之時有發者亦為癰也又手心主之脈氣發有腫

癰在股脛六日死發膿血六日死又有癰在脾腸中九日死也

養生方云五月勿食不成核果及桃棗發癰癩不爾發寒熱變為黃疽又為泄利

又云人汗入諸食中食之則作疔瘡癰癩等

癰有膿候此由寒氣搏於肌肉折於血氣結聚乃成癰凡癰經久不復可消者若按之都牢鞣者未有膿也按之半鞣半軟者有膿也又以手掩腫上不熱者為無膿若熱甚者為有膿凡覺有膿宜急破之不爾侵食筋骨也
癰潰後候此由寒氣客於肌肉折於血氣結聚乃成癰凡破癰潰之後有逆有順其眼白睛青黑而眼小者一逆也內藥而嘔二逆也傷痛渴甚者三逆也髓項中不便

者四逆也音嘶色脫者五逆也除此者並為順也此五種皆死候凡發癰疽則熱流入內五臟焦燥者渴而引飲兼多取冷則腸胃受冷而變下利利則腸胃俱虛而冷搏於胃氣逆則變嘔逆氣不通遇冷折之則變噦也
石癰候石癰者亦是寒氣客於肌肉折於血氣結聚所成其腫結確實至牢有根核皮相親不甚熱微痛熱時自歇此寒多熱少鞣如石故謂之石癰也久久熱氣乘之乃有膿也

附骨癰腫候附骨癰亦由體盛熱而當風取涼風冷入於肌肉與熱氣相搏伏結近骨成癰其狀無頭但腫痛而闊其皮薄澤謂之附骨癰也
癰虛熱候此是寒客於經絡使血氣不流乃結腫成癰

熱氣壅結則血化為膿膿潰癰瘡之後餘熱未盡而血氣已虛其人喑々卒熱熒々虛之故謂之虛熱

癰煩渴候 癰由寒搏於血血澀不通而熱歸之壅結所成熱氣不得宣泄內熏五藏故煩躁而渴凡癰腫熱渴引飲冷氣入腸胃即變下痢并變嘔噦所以然者本內虛熱氣逆故嘔々而氣逆外冷乘之氣不通故噦也

發癰欬候 夫肺主氣候於皮毛氣虛滕理受寒寒客經絡則血不澀熱氣乘之則結成癰也肺氣虛寒寒復乘肺感於寒則成欬故發癰而噦也

癰下利候 此由寒氣客於經絡折於氣血壅結不通結成癰腫發癰而利者由內熱而引飲取冷太過冷入腸胃故令下利也下利不止則變嘔噦所以然者脾與胃

合俱象土脾候身之肌肉胃為水穀之海脾虛肌肉受邪胃虛則變下利下利不止則變嘔噦也

發癰大小便不通候 此由寒客於經絡寒搏於血血澀不通壅結成癰藏熱不泄熱入大小腸故大小便不通

發癰內虛心驚候 此由體虛受寒寒客於經絡血脉不澀熱氣蘊積結聚成癰結熱不散熱氣內迫於心故心虛熱則驚馬不定也

癰腫久愈汁不絕候 此由寒客於經絡則血澀不通與寒相搏則結成癰腫熱氣乘之則血化為膿膿潰之後熱腫乃散餘寒不盡肌肉未生故有惡液溲汁清而色黃不絕也

癰瘡後重發候 此由寒氣客於經絡血澀不通壅結成

癰瘡後重發候 此由寒氣客於經絡血澀不通壅結成

癰凡癰膿潰之後須著排膿藥令熱毒膿血俱散盡若
有惡肉亦傳藥食之則好肉得生真氣得復若膿血未
盡猶挾餘毒瘡口便合當時雖瘡而後終更發
久癰候 此由寒氣客於經絡血滯不通壅結成癰發癰
之後熱毒未盡重有風冷乘之冷搏於腫蘊結不消故
經久一瘡一發久則變成癰也

疽候 疽者五臟不調所生也五臟主裏氣行經絡而沈
若喜怒不測飲食不節陰陽不和則五臟不調榮衛虛
者腠理則開寒客經絡之間經絡為寒所抗則榮衛皆
留於脈榮者血也衛者氣也榮血得寒則凝而不行衛
氣從之與寒相搏亦壅遏不通氣者陽也陽氣蘊積則
生於熱寒熱不散故積聚成疽臟氣沈行主裏故疽腫

深厚其上皮強如牛領之皮久則熱勝於寒熱氣滯盛
蘊結傷肉也血肉腐壞化而為膿乃至傷骨爛筋不可
治而死也又少苦消渴年至四十已上多發癰疽所以
然者體虛熱而榮衛不澁故也又有膏痰而渴者年盛
必作黃疽此由脾胃虛熱故也年衰亦發癰疽藏虛血
氣不澁故也又腫一寸至二寸癰也二寸至五寸癰也
五寸至一尺癰疽也一尺至二尺者名曰竟體癰癰成
九竅皆血諸氣憤鬱不遂志欲者血氣畜積多發此疾
診其脈強洪相薄外急內熱欲發癰疽脈來細而沈時
直者身有癰腫若腹中有伏梁脈肺肝俱到即發癰疽
四支沈重肺脈多即死凡癰疽脈洪麤難治脈微澁者
易愈諸浮數之脈應當發熱而反洗泚惡寒若痛處當

逆端

有癰也此或附骨有膿也身有五部伏菟一腓二背三
五藏之俞四項五五部有疽者死又疽發於噎中名曰
猛疽猛疽不治化為膿膿不瀉塞咽半日死其化作膿
瀉之則已發於頸名曰掖疽其腫大以赤黑不急治則
熱氣下入掖淵前傷在脉內熏肝肺熏肝肺十餘日而
死傷陽氣大發消滅留項名曰腦鑠其色不鑠項痛而
刺以鍼煩心者死不可治發於髀及臙名曰疵疽其狀
赤黑急治之此令人汗出至足不害五藏癰發四五日
爛爛之也發於掖下赤靴者名曰米疽也靴而不潰者
為馬刀也發於背名曰井疽也其狀如大豆日三四起
不早治下入腹中不治十日死發於膺名曰甘疽其狀
如穀實執瓜常若寒熱急治之去其寒熱不治十歲死

弛

切

從

死後出膿發於股陽名曰兌疽其狀不甚變而膿附骨
不急治四十日死發於背名曰改訾改訾者女子之病
也又云癰發女子陰傍名曰改訾疽久不治其中生息
肉如赤小豆麻忒也發於尻名曰兌疽其狀赤靴大急
治之不治四十日死若發尻尾名曰兌疽若不急治便
通洞一身十日死發於股陰名曰赤強不急治之六日
死在兩股內者不治六十日當死發於膝名曰疵疽其
狀大癰色不變寒熱而穿物石石之則死須其色黑柔
乃石之生也發於脛名曰免齧疽其狀赤至骨急治之
不治害人也發於踝名曰走緩色不變數灸而止其寒
熱不死發於足上下名曰四淫不急治之百日死發於
足傍名曰癰疽其狀不大初小指發急治之其狀黑者

不可消百日死也發於足趾名曰脫疽其狀赤黑死不可
赤黑不死治之不寒急斬去之活也不斬者死矣
赤疽發額不瀉十餘日死其五日可刺也其膿赤多血
死未有膿可治人年二十五三十一六十九十五百神
皆在額不可見血見血者死 赤疽發身腫牢核而身
熱不可以坐不可以行不可以屈伸成膿刺之即已
赤疽發背可治赤疽發髀樞六月內可治不治出歲死
赤疽發陰股牢者死濡者可治 赤疽發掌中可治
赤疽發脛死不可治 白疽發膊若肘後痒日痛傷精
及身熱多汗五六處死 黑疽發腫居背大骨上八白
可刺也過時不刺為骨疽骨疽膿出不可止者出碎骨
六十日死 黑疽發掖淵死 黑疽發耳中如米此名

蜂

文疽死 黑疽發臍死 黑疽發缺盆中名曰伏癰死
黑疽發肘上下不死可治 黑疽發腓腸死 黑疽發
膝臏牢者死濡者可治 黑疽發腓上牢者死 倉疽
發身痒後痛此故傷寒氣入臟篤發為倉疽九日可治
九十日死 釘疽發兩髀此起有所逐惡血結留內外
榮衛不通發為釘疽三日身腫痛甚口噤如瘞狀十一
日可刺不治二十日死疽起於肉上如丁蓋下有脚至
骨名釘疽也 鋒疽發背起心俞若髀髀二十日不瀉
死其八日可刺也其色赤黑膿見青者死不治人年六
十八二十四四十五十六六十七六十八神皆
在體不可見血見血必死 陰疽發髀若陰股如發腰
強內不能自止數飲不能多五日牢痛如此不治二歲

死刺疽發起肺俞若肝俞不瀉一十日死其八日可刺也發而赤其上肉如椒子者死不可治人年十九二十五三十三四十九五十七六十七七十三八十一九十七神皆在背不可見血見血者死脉疽發環頭始病身隨而熱不欲動惰々或不能食此有所大畏恐怖而不精上氣嗽其發引耳不可以腫二十日可刺如不刺八十日死龍疽發背起胃俞若腎俞二十日不瀉死九日可刺其上赤下黑若青黑者死發血膿者不死首疽發背發熱八十日大熱汗頭引身盡如嗽身熱同同如沸者皮澤頗腫處淺刺之不刺入腹中二十日死俠榮疽發背起若兩肘頭二十五日不瀉死其九日可刺發亦白間其膿多白而無赤可治也人年一十六二

十六三十二四十八五十八六十四八十九十六神皆在背不可見血見血者死勇疽發股起太陰若伏兔二十五日不瀉死其十日可刺勇疽發清膿赤黑死白者尚可治人年十一十五二十三十一三十二四十六五十九六十三七十五九十一神皆在尻尾不可見血見血者死標疽熱同々耳聾後六十日腫如裹水狀如此可刺之但出水後乃有血血出即除也人年五十七六十五七十三八十一九十七神皆在背不可見血見血者死癆疽發足趺若足下三十日不瀉死其十二日可刺癆疽發赤白膿而不多其止痒赤黑死不可治人年十三二十九三十五六十一七十三九十三神皆在足不可見血見血者死衝疽發在小腹痛

手脉

而戰寒熱自五日惰之六日而變可刺之五十日死
 射疽發兩指頭若五指頭十八日不瀉死其四日可刺
 其發而黑癰不甚赤過節可治也 疥疽發掖下若臂
 兩掌中振寒熱而盛乾者飲多即嘔煩心惰々或卒眩
 者如此可汗不汗者死 筋疽發背俠脊兩邊太筋其
 色蒼八日可刺也 陳乾疽發臂三四日痛不可動五
 十日身熱而赤六十日可刺之如刺之肺無血三四日
 病已蚤疽發手足五指頭起節色不變十日之內可刺
 也過時不刺後為食癰在掖二歲死
 養生方云銅器蓋食汗入食食之令人發惡瘡內疽
 又云 鯽魚膽合猪肝肺食之發疽
 又云 烏雞肉合食發疽

又云 魚腹內有白如骨合烏雞肉食之亦發疽也

又云 魚金鯽食發疽也

又云 已醉強飽食不幸發疽其湯雙針石別有正方補

養生方道引今附於後

養生方道引法云正倚壁不息行氣從頭至足止愈疽
 行氣者鼻內息五入方一吐為一通滿十二通愈

又云 正坐倚壁不息行氣從口輒令氣至頭而止治疽
 痺氣不足

疽潰後候 此由寒氣客於經絡抗於氣血血澁不通乃
 成疽發疽潰之後有逆有順其眼白睛青黑而眼小者
 一逆也內藥而嘔者二逆也傷痛渴甚者三逆也轉項
 中不使者四逆也音嘶色脫者五逆也除此者並為順

矣此五種皆死候凡發癰疽則熱流入五藏焦燥渴而引飲兼多取冷則腸胃受冷而變下利利則腸胃俱虛而冷搏胃氣氣逆則變嘔逆氣不通遇冷折之則噦也

重刊巢氏諸病源候總論卷之三十二終

卷之三十三

○癰疽病諸候下

凡二十九論

- | | |
|-------|---------|
| 緩疽候 | 燔疽候 |
| 疽發口齒候 | 行疽候 |
| 風疽候 | 石疽候 |
| 禽疽候 | 杼疽候 |
| 水疽候 | 肘疽候 |
| 附骨疽候 | 久疽候 |
| 疽虛熱候 | 疽大小便不通候 |
| 癰發背候 | 癰發背潰後候 |

癰發背後下利候

癰發背渴候

癰發背垂嗽候

癰發背大便不通候

癰發背惡肉不化候

疽發背候

疽發背潰後候

疽發背熱渴候

腸癰候

內癰候

肺癰候

膈病候

瘰癧候

重刊巢氏諸病源候總論卷之三十三

癰疽病諸候下

凡二十九論

緩疽候

緩疽者由寒氣客於經絡致榮衛滲溢氣血壅

結所成其寒盛者則腫結痛深而回回無頭尾大者如

拳小者如桃李冰凍與皮肉相親者執氣少其腫與肉

相似不甚赤積白不潰久乃變紫黯色皮肉俱爛如牛

頭瘡漸至通體青黯不作頭而穿潰膿出是也以其結

腫積久而肉腐壞遲故名緩疽亦名肉色疽也緩疽急

者一年殺人緩者數年乃死

燥疽候

燥疽之狀肉生小黯々小者如粟豆大者如梅

李或赤或黑乍青乍白有實核燥痛應心或著身體其

著手指者似代指人不別者呼為代指不急治毒逐脉

上入臟則殺人南方人得此疾皆截去指恐其毒上攻臟故也

活

又云十指端忽策々痛入心不可忍向明望之見之黃赤或黯々青黑是燔疽直截後節十有二異

又云風疹痛不可忍者燔疽發五臟俞節解相應通洞燔疽也諸是燔疽皆死又齒間臭熱血出不止燔疽也七日死治所不瘥以灰掩覆其血不兩著入

又云諸是燔疽皆死唯痛取利十有二活耳此皆毒氣客於經絡氣血不澁毒變所生也

疽發口齒候寒氣客於經絡血澁不通結而成疽五臟之氣皆出於口十二經脈有入齒者有連舌本者深衛之氣無處不行虛則受邪挾毒乘虛而入脈故也其發

口齒者多血出不可禁皆死

行疽候行疽候者發瘡小者如豆大者如錢往來而身及生面上謂之行疽此亦寒熱客於腠理與血氣相搏所生也

風疽候腫起流之血脉而攣曲疼痛所以發瘡歷年謂之風疽此由風濕之氣客於經絡與氣相搏所成也

養生方云大解汗當以粉粉身若令自乾者成風疽也石疽候此由寒氣客於經絡與血氣相搏血澁結而成

疽也其寒毒偏多則氣結聚而皮厚狀如瘰癧如石故謂之石疽也

會疽候會疽發如胗者數十處其得四日腫合牢核扁其狀若變十日可刺其初發身戰寒齒如噤欲坐如是

裏

重

者十五日死也此是寒濕之氣客於肌肉所生也

杼疽候 杼疽者發項及兩耳下不瀉十六日死其六日

可刺其色黑見膿如癰者死不可治人年三十九二

十三三十五三十九五十一五十五六十一八十七九

十九神皆在兩耳下不可見血見血者死此是寒濕之

氣客於肌肉抗於血氣所生也

水疽候 此由寒濕之氣客於皮膚搏於津液使血氣否

溢濕氣偏多則發水疽其腫狀如物裏水多發於手足

此是隨肌膚虛處而發也亦有發身體數處而壯熱遂

至死

肘疽候 肘疽是疽發於肘謂之肘疽凡諸疽發節解並

皆斷筋節而發肘者尤為重也此亦是寒濕之氣客於

肌肉抗於血氣所生也

附骨疽候 附骨疽者由當風入骨解風與熱相搏復遇

冷濕或秋夏露臥為冷所抗風熱伏結壅遏附骨成疽

喜著大節解間丈夫及產婦女人喜著鼠膝髀頭膝膝

間嬰孩嫩兒亦著膺肘背脊也其大人老人著急者則

先覺痛不得轉動按之應骨痛經日便覺皮肉生急洪

洪如肥狀則是也其小兒不知字名抱之綫近其便畧

喚則是支節有痛處便是其候也大人老人著緩者則

先覺如肥洪々耳經日便覺痺痛不隨也其小兒則覺

四支偏有不動不動搖者如不隨狀看支節解中則有

肥洪々處其名不知是隨骨疽乃至合身成膿不潰至

死皆覺身體變青黯也其大人老人皆不悟是疽乃至

按

於死也亦有別是附骨疽呼為急賊風其緩者謂風腫而已

久疽候此由寒氣客於經絡抗於氣血血澁不通乃結成疽凡疽發諸節及腑臟之俞則卒急也其久疽者發於身體閉處故經久積年致膿汁不盡則瘡内生蟲而變成癩也

疽虛熱候此由寒搏於熱結壅血澁乃成疽疽膿雖潰瘡之後餘熱未盡而血已虛其人喑々苦熱悒々虛乏於謂虛熱也

疽大小便不通候此由寒氣客於經絡寒搏於血血澁不通壅結成疽腑臟熱不泄熱入大小便故大小便不通也

塞

癰發背候夫癰發於背者多發於諸腑俞也六腑不和則生癰諸腑俞皆在背其血氣經絡周於身腑氣不和腠理虛者經絡為寒所客寒折於血則壅不通故結成癰發其俞也熱氣加於血則肉血敗化故為膿癰初結之狀腫而皮薄以澤又云背上忽有赤腫而頭白搖根入應曾裏動是癰也又發背若熱手不可得近者內先服王不留行散外摩背膏太黃貼若在背生破無苦良不得膿以食肉膏散著丸頭內癰口中人體熱氣服白朮散五日後癰欲瘡者服排膿內寒散

癰發背潰後候此由寒氣客於經絡抗於血氣血澁不通乃結成癰發背癰膿出之後眼白睛青黑而眼小一逆也內癰而嘔二逆也傷痛渴甚三逆也轉項中不仁

四逆也音斲色脫五逆也此等五逆者皆不可治也或
熱或冷非倉卒而急可得漸治之也凡發背則熱氣流
入腑臟膿潰之後血氣則虛腑臟燥熱渴而引飲飲冷
入腸胃則變下利胃虛氣逆則變嘔也嘔逆若遇冷折
之氣不通則噦也其瘡若膿汁不盡而瘡口早合雖瘡
更發惡汁連滯則變成癩也

癰發背後下利候此是寒氣客於經絡折於氣血血滯
不通乃結成癰癰發後利者由內熱而引飲取冷太過
冷入腸胃故令下利不止則變嘔所以然者脾與胃合
俱象土脾候身之肌肉胃為水穀之海脾虛則肌肉受
邪胃虛則變下利下利不止氣逆故變嘔嘔而遇冷折
氣逆不通則噦也

癰發背渴候此由寒氣客於經絡折於氣血血滯不通
乃結成癰也癰發背五臟熱盛虛燥故渴而冷飲入腸
胃則變利也

癰發背兼嗽候肺主氣候於皮毛氣虛腠理受寒客於
經則血否滯熱氣乘之則成癰也肺氣虛其寒復乘肺
肺感於寒則成欬嗽故發癰而兼嗽也

癰發背大便不通候此由寒客於經絡血氣否滯則生
熱蘊結成癰氣壅在臟腑熱入腸胃故令大便不通也
癰發背惡肉不盡候此由寒氣客於經絡折於血血滯
不通乃結成癰發背膿潰之後外有風氣搏之變生而
惡肉壅塞於瘡者則毒氣內侵須傳藥以食之
疽發背候疽發背者多發於諸臟俞也五臟不調則發

疽五臟俞皆在背其血氣經絡於身腑臟不調腠理虛者經脈為寒所客寒折於血血壅不通故乃結成疽其發臟俞也熱氣施於血則肉血敗腐為膿也疽初結之狀皮強如牛領之皮是也疽重於難發者多死又發起肺俞若肺俞不瀉二十日死其八日可刺也發而赤其上肉如椒子者死不可理人年十九二十五三十三四十九五十七六十七七十三八十一九十七神皆在背不可見血見血者死

蜂疽發背起心俞若癰腫二十日不瀉即死其八日可刺也其色赤與膿見青者死不治人年六歲十八二十四四十五十六六十七六十八神皆在臍不可見血見血者死

疽發背潰後候此由寒氣客於經絡折於氣血血滯不通乃結成疽發背疽膿出之後眼白睛青黑而眼小一逆也內藥而嘔二逆也傷痛渴甚三逆也臍項中不使四逆也音嘶色脫五逆也皆不可治自餘或熱渴或刺嘔非倉卒之急也可得漸治凡發背則熱氣流入腑臟膿潰之後血氣則虛腑臟積熱渴而引飲飲冷入於腸胃則變下利胃虛氣逆則變嘔也嘔逆若遇冷折之氣不通即噦也其瘡若膿汁不盡而瘡口早合雖瘡更發惡汁連滯則變成癭也

疽發背熱渴候此由寒氣客於經絡折於氣血血滯不通乃結成疽疽發背則腑臟皆熱熱則臟燥故渴也而冷飲入腸胃則變利也

腸癰候 腸癰者由寒溫不適喜怒無度使邪氣與榮衛相干在於腸內遇熱加之血氣蘊積結聚成癰熱積不散血肉腐壞化而為膿其病之狀小腹重而微強抑之即痛小便數似淋時々汗出復惡寒其身皮皆甲錯腹皮急如腫狀診其脈洪數者已有膿也其脈遲緊者未有膿也甚者腹脹大轉側聞水聲或繞臍生瘡穿而膿出或膿自臍中出或大便去膿血惟宜急治之

又云大便膿血似赤白下而寔非者是腸癰也卒得腸癰而不曉治之錯者殺入寸脈滑而數滑則為實數則為熱滑則為榮數則為衛衛下降榮上升遇熱榮衛相于血為濁敗小腹否鞞小便或難汗出或復惡寒膿為已成設脈遲緊聚為瘀血血下則愈膿成引白又諸淨

數脈當發熱而反洗淅惡寒若有痛處者當積有膿脈滑瀉相小腸癰出血者也

養生方云六畜卒疫死及夏病者腦不中食喜生腸癰也

內癰候 內癰者由飲食不節冷熱不調寒氣客於內或在胃或在腸胃寒折於血血氣留止與寒相搏凝結不散熱氣乘之則化為膿故曰內癰也胃內痛少氣而發熱以手按左眼意視右眼見光者胃內結癰也若不見光燦疽內若吐膿血者不可治也急以灰拵其膿血不爾者著入腸內有結痛或在脅下或在臍左近結成塊而壯熱必作癰膿診其脈數而身無熱者內有癰

養生方云四月勿食螺雞肉作內癰在胃掖下出瘻孔

肺癰候 肺癰者由風寒傷於肺其氣結聚所成也肺主

氣候皮毛勞傷血氣騰理則開而受風寒其氣虛者寒
乘虛傷肺寒搏於血蘊結成癰熱又加之積熱不散血
敗為膿肺處膺間初肺傷於寒則微嗽肺癰之狀其人
欬膺內滿隱々痛而戰寒診其肺部脈緊為肺癰又肺
癰喘而胸滿又寸口脈數而實咽乾口內辟々燥不渴
時々出濁唾腥臭久久吐膿如粳米粥者難治也又肺
癰有膿而嘔者不須治其嘔膿止自愈又寸口脈微而
數微則為風數則為熱微則汗出數則惡寒風中於衛
呼氣不入數過於榮吸而不出風傷皮毛熱傷血脈風
全於肺其人則嘔口乾喘滿咽燥不渴唾而濁沫時々
戰寒熱之所過血為凝滯蓄結癰膿吐如米粥始萌可
殺膿成則死又欲知有膿者其脈緊數膿為未成其脈

熱

緊但數膿為已成又肺病身當有熱熱嗽短氣唾出膿
血其脈當短濇而反浮大其色當白而反赤者此是火
之剋金大逆不治也

肺病候 肺病者由勞役肢體熱盛自取風冷而為涼濕
所折入於肌肉筋脉結聚所成也其狀赤脉起如編繩急
痛壯熱其發於脚者喜從鼠蹊起至踝赤如編繩故謂
肺病也發於臂者喜掖下起至手也即治取消其潰
洗勝則筋孿也其著脚若置不治不消復不潰其熱散
氣不散變作腫腫緩濇相搏腫膈已成膿也

瘰癧候 瘰癧者由風濕冷氣搏於血結聚所生也人運
役勞動則陽氣發泄因而汗出遇風冷濕氣搏於經絡
經絡之血得冷所折則結凝不通而生瘰癧腫結如梅

千金作若不即治其久
漫膿亦入今筋李

李也又云腫一寸二寸癰也其不消而潰者即宜熟捻
 去膿至清血出若膿汁未盡其瘡合者則更發其著耳
 下頰頰掖下若膿汁不盡多變成瘻也
 養生方云人汗入諸食中食之作癰癩
 又云五月勿食不成核果及桃棗發癰癩也

重刊巢氏諸病源候總論卷之三十三終

卷之三十四

○瘻病諸候

凡三十五論

- | | |
|-------|------|
| 諸瘻候 | 鼠瘻候 |
| 蜂瘻候 | 蟻瘻候 |
| 蚘瘻候 | 蠅瘻候 |
| 蠓瘻候 | 蝨瘻候 |
| 鴈鳥鶴瘻候 | 尸瘻候 |
| 風瘻候 | 鞠瘻候 |
| 蟻螋瘻候 | 骨疽瘻候 |
| 蚯蚓瘻候 | 花瘻候 |

蠹癩候

腦癩候

櫛癩候

石癩候

蝦蟇癩候

螳螂癩候

內癩候

膿癩候

久癩候

癩癩候

蚝癩候

癰癩候

蟲癩候

蛙癩候

蛇癩候

赤白癩候

雀癩候

冷癩候

癩癩候

○痔病諸候

諸痔候

牝痔候

腸痔候

凡六論

牡痔候

脉痔候

血痔候

重刊巢氏諸病源候總論卷之三十四

瘰癧病諸候

凡三十五論

諸瘰癧候 諸瘰癧者謂瘰癧病初發之由不同至於瘰癧成形狀亦異有以一方而治之者故名諸瘰癧非是諸病共成一瘰癧也而方說九瘰癧者是狼瘰癧鼠瘰癧蠅瘰癧蝮瘰癧蜂瘰癧蟻瘰癧蝮瘰癧浮疽瘰癧瘰癧瘰癧轉脉瘰癧此頸之九瘰癧也 狼瘰癧者年少之時不自謹慎或大怒氣上不下之所生也始發之時在於頸項有根出欬盆上轉連耳本其根在肝鼠瘰癧者飲食之時不擇蟲蛆變化所生也使人寒熱其根在肺 蠅瘰癧者食果蔬子不避有蟲即便噉之外絕於綱內絕於腸有毒不丟變化所生也始發之時在於頸上狀如蝸形癭胗而出也其根在大腸 蜂瘰癧者

Table with multiple empty columns and faint bleed-through text from the reverse side.

食飲勞倦渴之多飲流水即得蜂毒不去變化所生也
始發之時其根在頸歷々三四處俱腫似潰生瘡狀如
癰形癢而復移其根在脾 此蜂癩者因寒腹中臃脹
所得寒毒不去變化所生也始發之時在其頸項使人
壯熱若傷寒有似疥癬婁々孔出其根在肺 蟻螬癩
者恐懼愁憂思慮哭泣不止餘毒變化所生也始發之
時在其頸項無頭尾如棗核或移動皮中使人寒熱心
滿其根在心 浮疽癩者因恙結馳思往反變化所生
也始發之時在於頸亦在掖下如兩指無頭尾使人寒
熱欲嘔吐其根在膽 瘰癧癩者因強力入水坐濕地
或新沐浴汗入頭中流在頸上之所生也始發之時在
其頸項恒有膿使人寒熱其根在腎 轉脈癩者因飲

酒大醉夜卧不安驚欲醒轉側失枕之所生也始發之
時在背項項躍脈轉身如振使人寒熱其根在小腸
復有三十六種癩方不可次第顯其名而有蛇螻蝻
等諸癩非九癩之名此即應是三十六種癩之數也但
癩病之生或因寒暑不調故血氣壅結所作或由飲食
乖節狼鼠之精入於府藏毒流經脈變化而生皆能使
血脈結聚寒熱相交久則成膿而潰漏也其生身躰皮
肉者亦有結腫與石雞相似所可異者其腫之中按
之累々有數脈喜發於頸邊或兩邊俱起便是癩證也
亦發兩掖下及兩顙額間初作喜不痛才熱若失時治
即生寒熱也所發之處而有輕重重者有兩種一則發
口上疔有結核大小無定或如桃李大此蟲之窠窟止

在其中一則發口之下無有結核而穿潰成瘡又蟲毒之居或府藏無定故癩發身躰亦有數處其相應通者多死其癩形狀起發之由今辯於後章
養生方云六月勿食自落地五果經宿此蜂蟻蝮蛇蠅遊上喜為九癩

又云十二月勿食狗鼠殘肉生瘡及癩出頸項及口裏或生咽內

鼠癩候鼠癩者由飲食不擇蟲蛆毒變化入於府藏出於脉暫留脉內而不丟使人寒熱其根在肺出於頸掖之間其浮於脉中而未內者於肌肉而外為膿血者易去也次其生死者反其目視之其中有赤脉從上下貫瞳子見一脈一歲死見二脈半一歲半死見三脈二歲

死見四脈半二歲半死見五脈三歲死赤脉而不下貫瞳子可治也

養生方云正月勿食鼠殘食作鼠癩發於頸項或毒入腹下血不止或口生瘡如有蟲食

蜂癩候蜂癩者由飲食勞倦渴之多飲流水即得蜂毒流入於藏其根在脾出發於頸項歷々三四處或累々四五處蜂毒或發會前俱腫以潰生瘡狀如癰形癢而復移

蟻癩候蟻癩者由飲食有蟻精氣毒入於五藏流出經絡多著頸項戢々然小腫核細乃遍身躰

蛇癩候此蛇癩者由飲食內有蛇毒氣入於藏流於經脉使身寒似傷寒腹虛臃脹其根在肺發於頸項

如疥癬毒々孔出初生痒搔之生痕不治一百日生此
蜂癩

蠅癩候 此由飲食內有蠅窠子因誤食之入於腸胃流
注入血脉變化生癩發於頸下初生痒而々如蠅窠子
狀使人寒熱久其中化生蠅也

蠅蝨癩候 蠅蝨癩者由食果蠹子不避有蟲即便噉之
有蟲毒氣入於腹內外發於頸其根在大腸初生之時
其狀如風矢亦如蝸形癢疹而痒搔之則引大如四寸
更其中生道乃有數十中生蠅蝨亦有十數不治二年
殺入

蟻蝨癩候 此由恐懼愁憂思慮哭泣不止氣毒變化所
生內動藏外藏於頸項其根在心又方根在膀胱初生

之時無頭尾腫如棗核或移動皮肉使人寒熱心滿狀
蜂癩而深坎蜂癩則高而圓蟻蝨癩方五寸作坑邊有
唇畔而痒搔之則引大如六寸更疼痛日夜令人呻號
三年生孔道乃有十數中生蟻蝨乃有百數不治五年
殺入

鵬鳥鶴癩候 鵬鳥鶴癩者初腫如覆手疼痛一年生孔
道數十處黃水出二年化生鶴水鳥首而生口紫是也

疔癩候 人皆有五戶在人腹內發動令心腹脹氣息喘
急衝擊心胃攻刺脇肋因而寒熱頸掖之下結瘰癧膿
潰成癩時還衝擊腹內則脹痛腰脊攣急是也

風癩候 此由風邪在經脈經脈結聚所成或諸瘡得風
不即瘥變作其瘡得風者是因瘡遇冷膿汁不盡乃成

也其風在經絡者初生之時其狀如腫有似覆手搔之則皮脫赤汁出乍腫乍減漸々生根結實且附骨間不知首尾即潰成癩若至五十日不消不潰變成石腫名為石癰久久不治令寒熱惡氣入腹絕悶刺心及咽項悉皆腫經一年不治者死

鞠癩候 腫痛初生如大桃狀亦如瘤膿潰為瘡不治成石癩化生鞠作竅傍行世呼為石鞠癩

蜚蠊癩候 此由飲食居處有蜚蠊毒氣入於藏府流於經脈所生也初生之時其狀如鼠竅直下腫如覆手而痒搔之疼痺至百日有十八竅深二寸中生蜚蠊乃有一百數蜚蠊成尾自覆刺人大如孟升至二年殺人
骨疽癩候 骨疽癩者或寒熱之氣搏經脈所成或蟲疽

之氣因飲食入於府藏所生以其膿潰侵食於骨故名骨疽癩也初腫後乃破破而還合邊傍更生如是或六七度中有膿血至日西痛發如有針刺

蚯蚓癩候 蚯蚓癩者由居處飲食有蚯蚓之氣或飲食入腹內流於經脈所生其根在大腸其狀腫核潰漏

花癩候 花癩者風濕客於皮膚與血氣相搏因而成瘡風濕氣多其肉突出外如花開之狀世謂之反花瘡不癢生蟲成癩故謂之花癩也

蠍癩候 此由飲食居處有蠍蟲毒氣入於府藏流於經脈或生掖下或生頸邊腫起如蠍蟲之形寒熱而潰成瘡或則瘡裏生細蠍蟲也

蛇癩候 蛇癩者由飲食居處有蛇蟲毒氣入於府藏流

於經脉變化而生著面頰邊即脫肉結腫初如蛇蟲之窠後潰成瘻而蛇生是也

腦瘻候 腦瘻者頭頸逐氣上下疼痛而後為腦瘻

癰瘻候 癰瘻者是癰潰瘡後其不瘥膿汁不盡因變生

蟲成瘻故為癰瘻也

極瘻候 極瘻者其瘡橫闊作頭狀如杏子形亦似瘰癧

出血是也

蟲瘻候 諸瘻皆有虫而此獨以虫為名者是諸瘡初本

無虫經久不瘥而變生虫故以為名也

石瘻候 石瘻之狀初起兩頭如梅李核鞞實按之強如

石而寒熱後潰成瘻是也

蛙瘻候 此由飲食居處有蛙之毒氣入於府藏流經脉

而成瘻因服藥隨小使出物狀似蛙形是也

蝦蟆瘻候 此由飲食有蝦蟆之毒氣入於府藏流於經脉

結腫寒熱因潰成瘻服藥有物隨小使出如蝦蟆之狀

故謂之蝦蟆瘻也

蛇瘻候 蛇瘻者由居處飲食有蛇毒氣入於府藏流於

經脉寒熱結腫出處無定因潰成瘻服藥有物隨小使

出如蛇形狀謂之蛇瘻

蟻蠅瘻候 蟻蠅瘻者由居處飲食有蟻蠅毒氣入於府藏

流於經脉所生初得之時如棗核許或滿百日或

滿周年走不定處成竅而膿汁潰瘻也故謂之蟻蠅瘻

赤白瘻候 人有患瘡色赤白分明因而成瘻謂之赤白瘻

肉瘻候 人有發瘡色黑有結肉有膿久乃積生侵食筋

膏謂之內癭

雀癭候 此由居處飲食有雀毒氣入於藏流於脉發無定處腫因潰成癭服藥有物隨小便出狀如雀髮故謂之雀癭

膿癭候 諸癭皆有膿汁此癭獨以膿為名者是諸瘡久不瘥成癭而重為熱毒氣停積生膿常不絕故謂之膿癭也

冷癭候 冷癭者亦是謂瘡得風冷久不瘥因成癭膿汁不絕故為冷癭也

久癭候 久癭者是諸癭連滯經久不瘥或暫瘥復發或移易三兩處更相應通故為久癭也

癰癭癭候 此由風邪毒氣客於肌肉隨虛處而停結為

癰癭或如梅李棗核等大小兩三相連在皮間而時發寒熱是也久則變膿潰成癭也其湯熨針石別有正方補養宜導今附於後

養生方導引法云踞跪以兩手從曲脚入提地由脚加其上舉尻其可用行氣愈癰癭乳痛

癰癭候 癰病之狀陰核腫大有時小歇歇時終大於常勞冷陰雨便發發則脹大使入腰背彎急身體惡寒骨節沈重此病由於損腎也足少陰之經腎之脉也其氣下通於陰陰宗脉之所聚積陰之氣也勞傷舉重傷於少陰之經其氣不衛於陰氣張不通故成癰也其湯熨針石別有正方補養宜導今附於後

如油囊丹除癢少腹重不便腹中熱但口內氣息出之
數十不須小咽氣即腸中不熱者七息已溫熱咽之十數

痔病諸候

凡六論

諸痔候 諸痔者謂牡痔牝痔脉痔腸痔血痔也其形證
各條如後竟又有酒痔肛邊生瘡亦有血出又有氣痔
大便難而血出肛亦出外良久不肯入諸痔皆由傷風
房室不慎醉飽合陰陽致勞擾血氣而經脉流溢滲漏
腸間衝發下部有_二方而治之者名為諸痔非為諸病
共成一痔痔久不瘥變為癰也

養生方云忍大便不出久作氣痔其湯熨針石別有正
方補養宜導今附於後
養生方導引法云一足踏地一足屈膝兩手抱臍鼻下

急挽向身極勢左右換易四七去痔五勞三里氣不下

又云 踞坐合兩膝張兩足不息兩通治五痔

又云 兩手抱足頭不動足向口受氣衆節氣散來去二

七欲得捉左右側身各急挽腰不動夫四支腰上下髓
內冷血冷筋急悶痔

又云 兩足相踏向陰端急感將兩手捧膝頭兩向極勢
擗之二十七竟身側兩向取勢二十七前後努腰七夫心勞
痔病

牡痔候 肛邊生鼠乳出在外者時々出膿血者是也

牝痔候 肛邊腫生瘡而出血者牝痔

脉痔候 肛邊生瘡痒而復痛出血者脉痔也

腸痔候 肛邊腫核痛發寒熱而血出者腸痔也

血痔候

因便而清血隨出者血痔也

重刊巢氏諸病源候總論卷之三十四終

[Faint bleed-through text from the reverse side of the page]

卷之三十五

○瘡病諸候

凡六十五論

頭面身体諸瘡候

頭面身体諸久瘡候

諸惡瘡候

久惡瘡候

疔瘡候

燥疔瘡候

濕疔瘡候

久疔瘡候

癬候

乾癬候

濕癬候

風癬候

白癬候

牛癬候

圓癬候

狗癬候

雀眼癬候

刀癬候

夕癬候

疥候

乾疥候

濕疥候

熱瘡候

冷瘡候

疽瘡候

甲疽候

查疽候

癩疽候

張疽候

月食瘡候

天上病候

疔瘡候

浸淫瘡候

反花瘡候

瘡建候

王爛瘡候 (王音旺)

白頭瘡候

無名瘡候

猪灰瘡候

不痛瘡候

鴈瘡候

蜂巢瘡候

斷咽瘡候

毒瘡候

瓢毒瘡候

晦瘡候

集瘡候

屋食瘡候

烏啄瘡候

攝領瘡候

雞督瘡候

斷耳瘡候

新婦瘡候

土風瘡候

逸風瘡候

龜帶瘡候

兔齧瘡候

血瘡候

瘡中風寒水候

露敗瘡候

瘡惡肉候

瘡癢發候

擦瘡候

凍爛腫瘡候

夏日沸爛瘡候

○傷瘡病諸候

凡四論

湯火瘡候

灸瘡急腫痛候

灸瘡久不瘥候

針灸瘡發洪候

重刊巢氏諸病源候總論卷之三十五

瘡病諸候

凡六十五論

頭面身體諸瘡候 夫內熱外虛為風濕所乘則生瘡所
以然者肺主氣候於皮毛脾主肌肉氣虛則骨腠開為
風濕所乘內熱則脾氣溫脾氣溫則肌肉生熱也濕熱
相搏故頭面身體背生瘡其瘡初如龜頭與生汁熱盛
者則變為膿隨瘡隨發

頭面身體諸久瘡候 諸久瘡者內熱外虛為風濕所乘
則頭面身體生瘡其藏內熱實氣盛熱結肌肉其熱留
滯不散故瘡經久不瘥

諸惡瘡候 諸瘡生身體皆是體虛受風熱風熱與血氣
相搏故發瘡若風熱挾濕毒之氣者則瘡痒痛燥腫而

瘡多汁身體壯熱謂之惡瘡也

養生方云銅器蓋食汁入食發惡瘡內疽也

又云醉而交接或致惡瘡

又云飲酒熱未解以冷水洗面生惡瘡輕者敷炮

又云五月五日取桑葉三升并華水搗取汁浴永不生

惡瘡

又云并華水和粉洗足不病惡瘡其湯熨針石別有正
方補養宜導今附於後

養生方算引法云龍行氣叩頭下視不息十二通愈風
疥惡瘡熱不能入

又云五月一日八月二日九月九日十月七日十月十六日
四日十二月十二日沐浴除惡瘡

久惡瘡候夫體虛受風熱濕毒之氣則生瘡痒痛癢癢
多汗壯熱謂之惡瘡而濕毒氣盛體外虛內熱其瘡漸
增經久不瘥為久惡瘡

痛瘡候痛瘡者由膚腠虛風濕之氣折於血氣結聚所
生多著手足間迤相對如新生茱萸子痛痒抓搔成瘡

黃汁出浸淫生長折裂時瘥時劇變化生蟲故各痛瘡
燥痛瘡候膚腠虛風濕搏於血氣則生痛瘡若濕氣少

風氣多者其瘡則乾燥但痒搔少白屑出乾枯折痛此
虫毒氣淺在皮膚故名燥痛瘡也

濕痛瘡候膚腠虛風濕搏於血氣生痛瘡若風氣少濕
氣多其瘡痛痒搔之汁出常濡濕者此虫毒氣深在於

肌肉內故也

久癩瘡候 癩瘡積久不瘥者由膚腠虛則風濕之氣停滯虫在肌肉之間則生長常痒痛故經久不瘥

癩候 癩病之狀皮肉隱疹如錢大漸々增長或圓或斜痒痛有匡郭裏生虫搔之有汁此風濕邪氣客於腠理復值寒濕與血氣相搏則血氣否澀發此疾

按九虫論云蟻虫在入腸內變化多端發動亦能為癩而癩內實有虫也

養生方云夏勿露面卧露下墮面皮厚及喜成癩

乾癬候 乾癬但有匡郭皮粘索痒搔之白屑出是也皆是風濕邪氣客於腠理復值寒濕與血氣相搏所生若其風毒氣多濕氣少故風沈入深故無汁為乾癬也其中亦生蟲

濕癬候 濕癬者亦有匡郭如虫行浸淫赤濕痒搔之多汁成瘡是其風毒氣淺濕多風少故為濕癬也其裏亦有虫

風癬候 風癬是惡風冷氣客於皮折於血氣所生亦作圓文匡郭但抓搔頑痺不知痛痒其裏亦有虫

白癬候 白癬之狀白色皚々然而痒此亦是腠理虛受風風與氣并血澀而不能榮肌肉故也

牛癬候 俗云以盆器盛水飲牛用其餘水洗羊面即生癬名牛癬其狀皮厚抓之鞣強而痒是也其裏亦生虫

圓癬候 圓癬之狀作圓文隱起四畔赤亦痒痛是也其裏亦生虫

狗癬候 俗云狗舐之水用洗手面即生癬其狀微白點

綴相連亦微痒是也其裏亦生虫

雀眼癩候 雀眼癩亦是風濕所生其文細似雀眼故謂之雀眼癩搔之亦痒中亦生虫

刀癩候 俗云以磨刀水用洗手面而止癩名為刀癩其形無匡郭縱斜無定是也中亦生虫

久癩候 久癩是諸癩有虫而經久不瘥者也癩病之狀皮肉隱疹如錢文漸々增長或圓或斜痒痛有匡郭搔之有汁又有乾癩皮枯索痒搔之白屑出又有濕癩如虫行浸淫赤濕痒搔之多汁又有風癩搔抓頑痺不知痛痒又有牛癩因飲牛餘水得之其狀皮厚抓之鞣強又有狗癩作圓文隱起四面赤又有狗癩因以狗涎餘水洗手面得之其狀微白點綴相連亦微痒又有雀眼

癩作細文似雀眼搔之亦痒痛又有刀癩因以磨刀水洗手面得之其狀無匡郭縱邪無定如此之癩初得或因風濕客於肌膚折於血氣所生或因用牛狗所飲餘水洗手面得之至其病成皆有虫侵食轉深連帶不瘥故成久癩

疥候 疥者有數種有大疥有馬疥有水疥有乾疥有濕疥多生手足乃至遍躰大疥者作瘡有膿汁焮赤痒痛是也馬疥者皮肉隱鱗起作根塊搔之不知痛此二者則重水疥者痞癩如小瘰癧搗破有水出此一種小輕乾疥者但痒搔之皮起作乾痂濕疥者小瘡皮薄常有汁出並皆有虫人往往以針頭挑得狀如水內癩虫此悉由皮膚受風邪熱氣所致也

按九蟲論云：蟻蟲多所變化多端，或作癩疥痔瘻，無所不為。其湯熨針石別有正方補養，宜導令附於後。養生方道引法云：龍行氣叩頭下視，不息十二通，愈風疥惡瘡，熱不能入。

乾疥候 乾疥，但痒搔之皮起，作乾痂。此風熱氣深在肌肉間故也。

濕疥候 濕疥起小瘡，皮薄，常有水汁出。此風熱氣淺在皮膚間故也。

熱瘡候 諸陽氣在表，陽氣盛則表熱。因運動勞役，腠理則虛而開，為風邪所客，風熱相搏，留於皮膚，則生瘡。初作癩，漿黃汁出，風多則痒，熱多則痛。血氣乘之，則多膿血，故名熱瘡也。

冷瘡候 凡身體發瘡，皆是風熱所為。然血脈者亦傷於邪。若重觸風寒，則冷氣入於瘡，令血澁不行。其瘡則頑，令不知痛痒，亦經久難瘥，名為冷瘡。

疔瘡候 此疔瘡是癩之類也。非癩疔之疔。世云癩疔，即是此也。多發於支節脚脛間，相對而作，如針頭。其裏有虫痒痛搔之，黃汁出，隨瘡隨發，皆是風邪客於皮膚，血氣之所變生。亦有因諸淺瘡經久不瘥，痒痛抓搔之，或衣措拂之，其瘡則經久不瘥，而變作疔瘡者，裏皆有細蟲。

甲疽候 甲疽之狀瘡皮厚，甲錯剝起是也。其瘡亦痒痛，常欲抓搔之，汁出，其初皆是風邪抗於血氣所生，而瘡裏亦有蟲。

查痘候 查痘之狀隱疹赤起如查樹子形是也亦是風邪客於皮膚血氣之所變生也其瘡內有虫亦痒痛時燉腫汁出

頑疽候 此由風濕客於皮膚血氣變隱疹生瘡痒而不痛故名頑疽

棖疽候 棖疽是諸雜瘡帶風濕苦痒數以手抓搔棖觸便侵食濶久不瘥乃變生虫故名棖疽

月食瘡候 月食瘡生於兩耳及鼻面間并下部諸孔竅側侵食乃至筋骨月初則瘡盛月末則瘡衰以其隨月生因名之為月食瘡也又小兒耳下生瘡亦名月食世云小兒見月以手指指之則令病此瘡也其生諸孔竅有虫久不瘥則變成癩也

天上病候 天上病者人神采昏塞身體沈重下部生瘡上食五臟甚者至死世人隱避其名故云天上病也此是腑臟虛腸胃之間虫動侵食人五臟故也

甜瘡候 甜瘡生面上不痒不痛常有肥汁出汁所溜處隨即成瘡亦生身上小兒多患之亦是風濕搏於血氣所生以其不痒不痛故名甜瘡

浸淫瘡候 浸淫瘡是心家有風熱發於肌膚初生甚小先痒後痛而成瘡汁出侵潰肌肉浸淫漸濶乃編體其瘡若從口出流散四肢者則輕若從四肢生然後入口者則重以其漸々增長因名浸淫也

反花瘡候 反花瘡者由風毒相搏所為初生如飯粒其頭破則血出便生惡肉漸大有根膿汁出肉反散如花

狀因名反花瘡凡諸惡瘡久不瘥者亦惡肉反出如花狀

瘡建候 人身上患諸瘡熱氣盛者腫焮痛附時別結聚狀如瘰癧者名為瘡建亦名瘡根也

王爛瘡候 王爛瘡者由腑臟實熱皮膚虛而受風濕與熱相搏故初起作癩漿漸々王爛汁流浸潰爛故名王

爛也亦名王灼瘡其初作癩漿如湯火所灼也又名洪爛瘡初生如沸湯洒作癩漿赤爛如火燭故名洪爛也

白頭瘡候 白頭瘡者由體虛帶風熱遍身生瘡瘡似大疥痒漸白頭而有膿四邊赤疼痛是也

無名瘡候 此瘡非癰非疽非癩非疥狀如惡瘡或癩或刺人不能名故名無名瘡也此亦是風熱搏於血氣所

生也

猪灰瘡候 猪灰瘡者坐處生瘡赤黑有竅深如火豆許

四邊青中央坑作白陷而不甚痛狀如猪灰因以為名此亦是風熱搏於血氣所生也

不痛瘡候 諸瘡久不瘥觸風冷有惡肉則搔針灸不覺痛因以不痛為名

鴈瘡候 鴈瘡者其狀生於體上如濕癬癩瘍多著四支乃遍身其瘡大而熱疼痛得此瘡者常在春秋二月八月鴈來時則發鴈去時便瘥故以為名亦鴈過荆漢之

域多有此病

蜂窠瘡候 其瘡如疽癰之類有小孔象於蜂窠因以為名此亦風濕搏於血氣之所生也

醫 **咽瘡候** 此瘡繞頸而生皮傷赤若匝頸則害入此亦是風濕搏於血氣之所生也

毒瘡候 此由風氣相搏變成熱毒而生瘡於指節或指頭初以疥甚痒經宿乃紫黑也

熱毒瘡候 俗云人有用瓠花上露水以洗手遇毒即作瘡因以名之

晦瘡候 其瘡生皆兩方相對頭戴白膿俗云人有誤小便故龜處即生此瘡小兒多患也

集瘡候 此瘡十數箇集生一處因以為名亦是皮膚偏有虛處風濕搏於血氣變生

屋食瘡候 方云犯屋神所為未詳其形狀

烏啄瘡候 烏啄瘡四畔起中央空是也此亦是風濕搏

於血氣之所變生以其如烏鳥所啄因以名之也

攝領瘡候 攝領瘡如癬之類生於頸上痒痛衣領拂著

即剝云是衣領措所作故名攝領瘡也

雞督瘡候 雞督瘡生臑傍此瘡亦是風濕搏於血氣之所變生以其形似雞屎因以為名也

斷耳瘡候 斷耳瘡生於耳邊久不癒耳乃取斷此亦月食之類但不隨月生長為異此瘡亦是風濕搏於血氣所

生以其斷耳因以為名也

新婦瘡候 此瘡狀繞腰生如蠶螭尿但不痛為異耳此瘡亦是風濕搏於血氣所生而世人呼之為新婦瘡也

土風瘡候 土風瘡狀如風疹而頭破乍發乍瘥此由肌腠虛疎風塵入於皮膚故也俗呼之為土風瘡

逸風瘡候 逸風瘡生則遍體狀如癩疥而痒此由風氣散逸於皮膚因名逸風瘡也

飀帶瘡候 飀帶瘡者繞腰生此亦風濕搏血氣所生狀如飀帶因以為名又云此瘡繞腰而則殺人

兔齧瘡候 凡疽發於脛名曰兔齧瘡一名血實瘡又隨月生死蓋月食之類非脛瘡也尋此瘡亦風濕搏於血氣血氣實熱所生故一名血實又名兔齧者亦當以其形狀似於兔齧因以為名

血瘡候 血瘡者云諸患風濕搏血氣而生瘡其熱氣發逸瘡但出血者名為血瘡也

瘡中風寒水候 凡諸瘡生之初因風濕搏血氣發於皮膚故生也若久不瘥多中風冷水氣若中風則噤瘡中

冷則難瘥中水則腫也

露敗瘡候 凡患諸瘡及惡瘡初雖因風濕搏血氣蘊結生蒸發皮肉成瘡若觸水露氣動經十數年不瘥其瘡瘀黑作痂如被霜皴皮瘡內肉似斷故名露敗瘡也

瘡惡肉候 諸瘡及癰疽皆是風濕搏血氣蘊結生熱而發肌肉成瘡久不瘥者多生惡肉四邊突起而好肉不生此由毒熱未盡經絡尚壅血氣不到故也

瘡瘥復發候 諸惡瘡皆因風濕毒所生也當時雖瘥其風毒氣猶在經絡者後小勞熱或食毒物則復更發也
漆瘡候 漆有毒人有稟性畏漆但見漆便中其毒喜面痒然後肩臂脛膈皆悉癢痒面為起腫眼微赤諸所痒處以手搔之隨手輦展起赤瘡癩瘡癩消已生細粟

瘡甚微有中_レ毒輕者證候如此其有重者遍身作瘡小者如麻豆大者如棗杏膿_レ焮疼痛摘破小疔有小瘡隨次更生若火燒漆其毒氣則厲著人急重亦有性自耐者終日燒者竟不為害也

凍爛腫瘡候嚴冬之日觸胃風雪寒毒之氣傷於肌膚血氣壅滯因即_レ痲凍焮赤疼腫便成凍瘡乃至皮肉爛潰重者支節墮落

夏白沸爛瘡候盛夏之日人膚腠開易傷風熱風熱毒氣搏於皮膚則生沸瘡其狀如湯之沸輕者而如粟粒重者熱汗浸漬成瘡因以為名世呼為沸子也

傷瘡病諸候

凡四論

湯火瘡候凡被湯火燒者初慎勿以冷物及井下泥尿

泥及蜜淋搗之其熱氣得冷即却深搏至骨爛火筋也所以人中湯火後喜攣縮者良由此也

灸瘡急腫痛候夫灸瘡膿潰已後更焮腫急痛者此中風冷故也

灸瘡久不瘥候夫灸之法中病則止病已則瘡瘥若病勢未除或中風冷故久不瘥也

針灸瘡發洪候夫針灸皆是節穴俞募之處若病甚則風氣衝擊於瘡凡血與氣相隨而行故風乘於氣而動於血血從灸瘡處出氣盛則血不止名為發洪

[The text in this section is extremely faint and largely illegible due to fading or bleed-through.]

[This section contains a few lines of more legible text, possibly a marginal note or a specific entry.]

[The reverse page is mostly blank or contains extremely faint, illegible text.]

